

## Communicaziun a las medias

### Premiera da film a Laax: Salums – Insla dils beai?

Cuir, 02-02-2015 - RTR Radiotelevision Svizra Rumantscha envia a la premiera dal film **Salums – Insla dils beai?**, in film d'Eligi Derungs. Il film mussa tge istorgias che han influenzà e midà Salums. Mesemna, ils 04 da favrer 2015, a las 20:00 en la chasa da scola a Laax.



Salums oz



Sep e Toni Burkhardt

„Oz fagein nus ina spassegiada vi Salums cun caffè e petta tier la Frau Alig ni el Strausennest“; quai udiv'ins avant onns anc bain savens a Laax e conturn. Salums è in aclaun che tutga tar la vischnanca da Laax. Fin ils onns 1960 in lieu ruassaivel, idillic e sulegliv amez il gaud «Uaul grond» cun ina survista magnifica sur la Foppa.

Oz è Salums in vitg cun passa 200 abitaziuns, villas e residenzas da vacanzas. Ma tgi abitava en quest lieu avant ch'ils turists èn vegnids? Sch'ils indigens discurren oz da Salums, lura sa regordan els bain spert da l'eremit «Tesli», il Mathias Cavelti ch'aveva chattà là sia pasch, dals dus originals Sep e Toni Burkhardt che han passentà l'entira vita en l'aclaun, da l'artist Carl Strauss che simpatisava – uschia vegni raquintà – cun ils naziunalsocialists e da la famiglia da Turitg che aveva cumprà avant passa 50 onns l'Isola Beata, ina chasa da la quala naging indigen saveva propi tge che capitava davos ses mirs.

L'occurrenza è publica, l'entrada è libra.

#### **Infurmaziun supplementara:**

Il film da l'emission „Cuntrasts“ vegn mussà sco suonda:

**dumengia, ils 08-02-2015, 17:25 sin SRF 1**

#### **Repetiziuns**

mesemna, ils 11-02-2015, 08:30, 09:30, 12:50 sin SRF info

gievrigia, ils 12-02-2015, 11:00 sin SRF info

venderdi, ils 13-02-2015, 13:20 sin LA2

sonda, ils 14-02-2015, 17:10 sin SRF1

dumengia, ils 15-02-2015, 07:00 sin RTS1 e las 07:30 sin RSI LA1

#### **Dapli infurmaziuns:**

RTR Radiotelevision Svizra Rumantscha

Bertilla Giossi, producenta Cuntrasts

tel. 081 255 75 75 | e-mail [bertilla.giossi@rtr.ch](mailto:bertilla.giossi@rtr.ch)